

Ndal dhunës!

Dhuna në familje dhe "Stalking" në Kantonin Aargau

Dhuna në familje ndodh më shpesh, sesa shumë njerëz mendojnë. Ky term përshkruan një situatë, kur midis personave në një marrëdhënie ekzistuese ose të mëparshme ndodh dhuna, për shembull në martesë, partneritet, familje ose në farefis. Bëhet fjalë për forma psikike, verbale, fizike dhe forma të seksualizuara të dhunës ose "Stalking". "Stalking" do të thotë, që një person me dashje dhe në mënyrë të përsëritur ngacmon, përgjjon ose gjurmon një person tjetër.

Dhuna në familje dhe "Stalking" janë të ndaluara në Zvicër dhe dënohen. Nuk pranohen përpjekjet e justifikimit si p.sh. dhuna në emër të "nderit", minimizim, alkool, stres ose provokime.

Policia ka mundësi të ndryshme për mbrojtjen e personave të cenuar nga dhuna. Ajo për shembull mund të urdhërojë largimin nga banesa të një personi, i cili ushtron dhunë ose shpreh kërcënimin të ushtrorë dhunë, dhe mund t'ia ndalojë këtij personi kthimin në banesë për maksimalisht 20 ditë. Policia mund t'ia ndalojë këtij personi edhe kontakte dhe afrime me personin e cenuar nga dhuna. Përveç policisë edhe Gjykata e qarkut (Bezirksgericht) ka kompetencë për urdhërimin e masave mbrojtëse.

Çdo njeri ka të drejtë për një jetë pa dhunë. Nëse ju jeni cenuar nga dhuna në familje dhe nëse e keni të vështirë të flisni për këtë gjë ose të organizoni ndihmë për vetveten, atëherë megjithatë bëni këtë gjë: Në një situatë me rrezik akut thirrni numrin emergjent të policisë 117, bëni një kallëzim penal pranë policisë kantonale (Kantonspolizei) ose drejtohuni konsultimit të viktimave Aargau (Opferberatung Aargau). Nëse në shtëpi nuk gjendeni në siguri, atëherë ju dhe fëmijët tuaj gjeni mbrojtje në shtëpinë e grave (Frauenhaus) ose në shtëpinë e burrave/etërve (ZwüscheHalt).

A keni frikë ta humbisni kontrollin dhe nganjëherë nuk dini se çfarë të bëni me inatin tuaj? Dhuna nuk është zgjidhja! Flisni për këtë problem me një person të besës dhe merrni ndihmë për veten, për shembull tek zyra e kontaktit kundër dhunës në familje (Anlaufstelle gegen häusliche Gewalt).

Gjë që shpesh harrohet: Përjetimi i dhunës në familje si dëshmitarë është një rëndim për fëmijët dhe ata vuajnë shumë në këto situata. Edhe forma të dhunës gjoja të padëmshme mund të kenë pasoja të rënda për zhvillimin e tyre. Edhe fëmijët kanë të drejtë për një jetë pa dhunë.

Adresat për temën e dhunës në familje gjeni në www.ag.ch/häuslichegewalt.

